

**IV. OPOSICIÓN E CONCURSOS****CONSELLERÍA DE CULTURA, EDUCACIÓN E ORDENACIÓN UNIVERSITARIA**

*ANUNCIO do 21 de novembro de 2014, da Dirección Xeral de Centros e Recursos Humanos, polo que se comunica a apertura do prazo para solicitar prazas de interinidades e substitucións para impartir docencia no corpo de profesores técnicos de formación profesional e profesores de escolas oficiais de idiomas en varias especialidades.*

Primeiro

Comunícase que está aberto o prazo para posibles interinidades ou substitucións para o corpo de profesores técnicos de formación profesional (591) e de profesores de escolas oficiais de idiomas (592), nas especialidades de:

– Corpo de profesores técnicos de formación profesional:

Especialidade	Titulación exixida
Instalacións electrotécnicas (591206)	<ul style="list-style-type: none"><li>– Diplomado en:<ul style="list-style-type: none"><li>• Radioelectrónica Naval.</li><li>• Informática.</li></ul></li><li>– Enxeñaría técnica:<ul style="list-style-type: none"><li>• Aeronáutica, especialidade en Aeronavegación.</li><li>• Electrónica.</li><li>• Industrial, especialidade en Electricidade, especialidade en Electrónica Industrial, especialidade Enerxética.</li><li>• Informática.</li><li>• Telecomunicacións.</li></ul></li><li>– Todas as titulacións superiores das anteriormente citadas.</li><li>– Licenciatura en<ul style="list-style-type: none"><li>• Física.</li><li>• Informática.</li></ul></li><li>– Grao, adaptado ao Espazo Europeo de Educación Superior, en:<ul style="list-style-type: none"><li>• Arquitectura Naval.</li><li>• Enxeñaría da Enerxía.</li><li>• Enxeñaría de Tecnoloxías de Telecomunicación.</li><li>• Enxeñaría Eléctrica.</li><li>• Enxeñaría Electrónica.</li><li>• Enxeñaría Electrónica Industrial e Automática.</li><li>• Enxeñaría en Organización Industrial.</li><li>• Enxeñaría en Propulsión e Servizos do Buque.</li><li>• Enxeñaría en Tecnoloxías Industriais.</li><li>• Enxeñaría Mariña.</li><li>• Enxeñaría Mecánica.</li><li>• Enxeñaría Náutica e Transporte Marítimo.</li><li>• Enxeñaría Naval e Oceánica.</li><li>• Física.</li><li>• Óptica e Optometría.</li></ul></li><li>– Outras titulacións de grao análogas ás anteriores.</li></ul>

CVE-DOG: yb0cydm4-v4s3-avx0-4hp6-6v8nj0omxoq7



Especialidade	Titulación exigida
Procesos comerciais e procesos de xestión administrativa (591221 e 591222)	<ul style="list-style-type: none"> <li>– Licenciatura en:               <ul style="list-style-type: none"> <li>• Administración e Dirección de Empresas.</li> <li>• Ciencias Actuariais e Financeiras.</li> <li>• Economía.</li> <li>• Ciencias Económicas.</li> <li>• Ciencias Empresariais.</li> <li>• Xestión e Administración Pública.</li> <li>• Dereito.</li> <li>• Documentación.</li> <li>• Publicidade e Relacións Públicas.</li> </ul> </li> <li>– Grao, adaptado ao Espazo Europeo de Educación Superior, en:               <ul style="list-style-type: none"> <li>• Administración e Dirección de Empresas.</li> <li>• Ciencia Política e da Administración.</li> <li>• Ciencias Empresariais.</li> <li>• Comercio.</li> <li>• Consultoría e Xestión da Información.</li> <li>• Dereito.</li> <li>• Dirección e Xestión Pública.</li> <li>• Economía.</li> <li>• Enxeñaría Informática.</li> <li>• Información e Documentación.</li> <li>• Relacións Laborais e Recursos Humanos.</li> <li>• Turismo.</li> <li>• Xestión de Pequenas e Medianas Empresas.</li> </ul> </li> <li>– Outras titulacións de grao análogas ás anteriores.</li> <li>– Diplomado en:               <ul style="list-style-type: none"> <li>• Biblioteconomía e Documentación.</li> <li>• Ciencias Empresariais.</li> <li>• Graduado Social.</li> <li>• Relacións Laborais</li> <li>• Xestión e Administración Pública.</li> </ul> </li> <li>– Enxeñeiro técnico en Informática de Xestión.</li> </ul>

– Cuerpo de profesores de escolas oficiais de idiomas:

Especialidade	Titulación exigida
Italiano (592012)	<ul style="list-style-type: none"> <li>– Licenciatura en:               <ul style="list-style-type: none"> <li>• Filoloxía Italiana.</li> <li>• Tradución e Interpretación ou Lingüística, sempre que se cursase italiano como primeira lingua estranxeira.</li> </ul> </li> <li>• Grao, adaptado ao Espazo Europeo de Educación Superior, en Lingua e Literatura Modernas, especialidade italiano.</li> <li>– Outras titulacións de grao análogas ás anteriores.</li> </ul>

Segundo. *Requisitos*

1. Ser español ou ter a nacionalidade doutro país membro da Unión Europea ou de calquera outro dos Estados a que, en virtude dos tratados internacionais realizados pola Unión Europea e ratificados por España, sexa de aplicación a libre circulación de traballadores e traballadoras.

CVE-DOG: yb0cydm4-v4s3-avx0-4hp6-6v8nj0omxoq7



Tamén poderán participar o cónxuxe, os descendentes e os descendentes do cónxuxe, tanto dos cidadáns españois como dos nacionais doutros Estados membros da Unión Europea ou de Estados en que, en virtude de tratados internacionais subscritos pola Unión Europea e ratificados polo Estado español, sexa de aplicación a libre circulación de traballadores cando así o prevexa o correspondente tratado, sexa cal sexa a súa nacionalidade, sempre que os cónxuxes non estean separados de dereito e, con respecto aos descendentes, sexan menores de vinte e un anos ou maiores desta idade pero vivan a cargo dos seus proxenitores.

2. Ter feitos os dezaseis anos e non ter alcanzado a idade establecida, con carácter xeral, para a xubilación.

3. Estar en posesión das titulacións que se especifican no punto primeiro deste anuncio. No caso de que as ditas titulacións se obtivesen no estranxeiro, deberá terse concedida a correspondente credencial de homologación, segundo o Real decreto 285/2004, do 20 de febreiro (*Boletín Oficial del Estado* do 4 de marzo), e o Real decreto 1837/2008, do 8 de novembro, polo que se incorporan ao ordenamento xurídico español a Directiva 2005/36/CE do Parlamento Europeo e do Consello, do 7 de setembro, e a Directiva 2006/100/CE do Consello, do 20 de novembro, relativas ao recoñecemento de cualificacións profesionais, ben como a determinados aspectos da profesión de avogado (*Boletín Oficial del Estado* do 20 de novembro).

4. Ademais do requisito de titulación, deberá acreditarse formación pedagóxica e didáctica establecida no artigo 100.2 da Lei orgánica 2/2006, do 3 de maio, de educación e, polo tanto, estar en posesión do correspondente título de máster regulado pola Orde ECI/3858/2007, do 27 de decembro, pola que se establecen os requisitos de verificación dos títulos universitarios oficiais que habiliten para o exercicio das profesións de profesor de educación secundaria obrigatoria e bacharelato, formación profesional e ensinanza de idiomas.

5. Non será necesaria a posesión do citado título oficial de máster antes mencionado para o solicitante que acredite estar en posesión, con anterioridade ao 1 de outubro de 2009, dalgún dos seguintes requisitos:

a) Estar en posesión do título profesional de especialización didáctica, do certificado de cualificación pedagóxica ou do certificado de aptitude pedagóxica.

CVE-DOG: yb0cydm4-v4s3-avx0-4hp6-6v8nj0omxoq7



b) Estar en posesión dun título universitario oficial que habilite para o exercicio da profesión de mestre, ou dun título de licenciado en Pedagogía ou Psicopedagogía, así como calquera outro título de licenciado ou outra titulación declarada equivalente que inclúa formación pedagóxica e didáctica.

c) Ter impartido docencia durante un mínimo de 12 meses en centros públicos ou privados de ensino regrado, debidamente autorizados, nos niveis e ensinanzas cuxas especialidades docentes se regulan no Real decreto 1834/2008, do 8 de novembro. Esta experiencia docente acreditarase mediante certificación da dirección do centro, co visto e prace da inspección educativa.

3. Ter superado o curso Celga 4 de lingua galega ou ter a validación equivalente.

Terceiro. *Prazo de solicitude*

O prazo para presentar a instancia de solicitude, así como a documentación xustificativa dos requisitos mínimos exixidos e dos méritos alegados para a súa baremación, será de dez días naturais contados a partir do día seguinte ao da publicación deste anuncio no *Diario Oficial de Galicia* e poderanse presentar en calquera rexistro oficial ou en calquera das dependencias a que alude o artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común. No caso de que se opte por presentar a solicitude nunha oficina de Correos, farase en sobre aberto, para que a instancia sexa datada e selada polo funcionario de Correos antes de ser certificada.

Cuarto. *Importe e pagamento dos dereitos de inscrición nas listas (código 30.03.01)*

Os dereitos de inscrición nas listas serán de 16,98 euros.

Estarán exentos do pagamento, logo de xustificación documental:

- a) Persoas con minusvalidez igual ou superior ao 33 %.
- b) Persoas que sexan membros de familias numerosas clasificadas na categoría especial.

Aplicarase unha bonificación do 50 % á inscrición solicitada por:

- a) Persoas que sexan membros de familias numerosas de categoría xeral.



b) Persoas que figuren como demandantes de emprego desde, polo menos, seis meses antes da data da convocatoria de probas selectivas nas cales soliciten a súa participación e non estean a percibir prestación ou subsidio por desemprego.

O pagamento da taxa poderase efectuar de dous xeitos diferentes:

– A través do impreso de autoliquidación -A ou AI-, en calquera das entidades financeiras colaboradoras na recadación das taxas e prezos da Comunidade Autónoma de Galicia.

– De forma telemática, no enderezo: <http://www.atriga.es/web/atriga/a-axencia-tributaria-de-galicia/servizos/oficina-virtual-tributaria/servizos-sen-certificado>, podendo optar por:

- Un pagamento telemático puro que xeraría un modelo 730 directamente (neste caso é obrigatorio enviar o xustificante que se imprime ao efectuar o pagamento).
- Ou telemático presencial que xeraría un modelo 739, irían ao banco e logo teríase que retomar a operación na Oficina Tributaria Virtual (OTV) para xerar o modelo 730.

Os modelos válidos que se deberán presentar como xustificante de pagamento de taxas nas fases correspondentes son os modelos A, AI e 730.

A non presentación deste anexo, dentro de prazo, en que figure o selo da entidade bancaria, determinará a exclusión do aspirante. En ningún caso a presentación deste anexo suporá substitución do trámite de presentación en tempo e forma da solicitude.

#### Quinto. *Modelo de solicitude*

O modelo de solicitude está á disposición das persoas interesadas na páxina web da consellería, no enderezo <http://www.edu.xunta.es> (profesorado-xestión de profesorado).

#### Sexto. *Comisión baremadora*

A asignación da puntuación que lles corresponde aos concursantes será levada a cabo por unha comisión constituída por funcionarios destinados na Consellería de Cultura, Educación e Ordenación Universitaria. Esta comisión estará cualificada na categoría primeira para os efectos do previsto no Decreto 144/2001, do 7 de xuño (*Diario Oficial de Galicia* do 25 de xuño).



Poderán asistir ás reunións da comisión, con voz e sen voto, un representante por cada unha das organizacións sindicais con presenza na Mesa Sectorial Docente non Universitaria.

#### Sétimo

Os candidatos seleccionados terán un número de orde posterior ao do persoal interino/substituto da mesma especialidade que foi seleccionado en convocatorias anteriores.

#### Oitavo

O baremo, de acordo coa addenda asinada cos sindicatos da Mesa Sectorial Docente o 11 de xullo de 2006 (texto refundido publicado na Resolución do 31 de xullo de 2013, *Diario Oficial de Galicia* do 12 de agosto), será o publicado na fase de concurso da Orde do 17 de marzo de 2014 pola que se convocan procedementos selectivos de ingreso e acceso ao corpo de profesores de ensino secundario e procedemento de adquisición de novas especialidades polo persoal funcionario de carreira do corpo de profesores de ensino secundario da Comunidade Autónoma de Galicia (*Diario Oficial de Galicia* do 26 de marzo).

#### Noveno

As especialidades de Procesos de Xestión Administrativa e Procesos Comerciais rexeráanse por unha lista única.

Santiago de Compostela, 21 de novembro de 2014

José Manuel Pinal Rodríguez  
Director xeral de Centros e Recursos Humanos

